

ابونہ شراطی

ممالک عثمانیہ دہ سنہ لکی (۶۵)، آلتی
آیلنی (۳۵) غروشدہ .
ممالک اجنبیہ دہ سنہ لکی (۱۷)، آلتی
آیلنی (۹) فراتقدر .

ادارہ خانہ

باب عالی جادہ سندہ دائرۃ مخصوصہ

اظہارات

آبونہ بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولوناز .

الکتاب

۱۳۳۰

دینی، فلسفی، علمی، ادبی ہنتہ اق مجموعۃ اسلامیہ در .

صاحب و مدیر

سر محرر

ع . اشرف ادیب

محمد عاکف

واللہ یهدی من یشاء الی صراط مستقیم

اتبعون اهدکم سبیل الرشاد

ایمپراطور لغنی، عثمانی نقابی آلوده، احبایه چالیشاق بوشو و قوزمیدی لرك
غایه خیالری...!

صدمه کلهیم: یز بوکون، الحمدله، امتیازات اجنبیه دنیلن اسارت
زنجیرلرندن قورتولدق. حریت حقیقه ملیه مزه، استقلال سیاسیمزه
قاوشدق. قانون طبیعت دییور، که: «یر ملتک، استقلال ملی و
سیاسینی محافظه ایدم یلسی قوتلی و شوکتلی اولمسه متوققدر.»

بناء علیه بزده عون خدا ایله قازاندیمز بواستقلال حقیقی بی محافظه
ایدم بيلمک ایچون قرانی و شوکتلی اولمیه، قوتلی و شوکتلی اولمق ایچون ده
آردمزدن بوزن تفرقه و نفاقلری قالدیرمق بوزن مناسیله متحد
ویکوجود اولمیه چالیشم. بو وحدتله، بوقوتله وجود ملیتمزک
هر عضوینی طوعاً و کرهاً حرکت کتیرمیلی، بویوک و آهنگدار یر
غیرت و فعالیتله چالیشمیلی یز. بوکونلر بزم ایچین یرداها اله کچمز یر
فرصتدر. ایشته بزم مدیون اولدیغمز فعلی و عملی فریضة شکران! «لئن
شکرتم لازیدنکم ولئن کفرتم ان عذابى لشدید.»

محمد فخرالدین

خُطْبَةُ مَوْاعِظٍ

مسلمانلری حاضر لایهلم

مسلمانلغی صلیبک امارتندن قورتارملم

اعوذ بالله من الشیطان الرجیم. بسم الله الرحیم. «واعتصموا بحبل الله
جميعاً ولا تفرقوا» هیکز بردن اللهم کتابنه صیم صیقی طوتونکمز؛
بربرکزدن آیرلمایکمز...

کچن محرم الحرامک اولندن اعتباراً نجف اشرفده عون حقله تأسیسه
موفق اولدیغ مؤسسات، یعنی علماء و طلاب علومه امر مطالعه نک
تسهیلی ایچون بیک درت یوز کتابی مشتمل مجانی کتابخانه، اها لیک
انتباهی ایچون فارسی، عربی، ترکی لسانلریله محرر جرائد و مجلات
اسلامیه بی حاوی مجانی قرائتخانه، اولاد مسلمین و فقرا و حضرت
فخرالمرسلین ذریاتک تربیه و تعلیمی ایچون تأسیس ایتدیکم مکتب
مرتضوی اوچنجی سنه سنی ختامه ایردیروب حسن اداره ایله دردیجی
سنه سنه داخل اولمشدر. حضرت حقه چوق شکر ایدرم که بنده عاجزی
یا لکمز بوبار کرانک تحمینه احسن طرق و اکمل وجهله موفق بیوردی.
فقط نجفده کی مؤسساه برنجی سنه سنه (۱۳۰۱هـ) ایکنجی سنه سنه
(۶۰۰۰) اوچنجی سنه سنه (۵۰۰۰) غروشه یقین جبه دن
صرف ایدمک بونلردن ماعدا برچوق مکاتب ملیه یده سنوی اعانه
تعین ایتدم ویرلی منسوجاتک ترویجی ایچون نجف، کربلا، سامره

صوکرا... نهوت سوکراینه یز وحشی! یز باربار! یز هر دور
تحقیر شایسته! حتی یاشاماغه بیله غیر لایق! ایشته بوقادار نعمتک،
بودرجه افراط علوکرم و سماحتک مقابله شکران و محمدی!!

خلافت مقدسه اسلامیه نک بو حکیم، بو محترم حکومتنه یا لکمز یز
دکل، بوتون عالم اسلام مدیون شکراندر. زیرا لواء الحمد خلافت اسلامیه
میه نک یکانه مرکز استقلالی، استقلال دینی و قرآنی عثمانیلرک، بو
کون تجدیداً تحکیم اولونان برج معلای شوکتی، یر یوزنده کی بوتون
مسلمانلرک مطاف روحی، قبله کاه وجدان و ایمانی. ارزنده کلمه توحیدک
موجه انداز اولمده بولوندینی ایشته او طاق رفیع الشان سلطنتیدر.
بو نعمت عظمای الهیه مظهریتدن دولای محترم حکومت مزه
نه قادار تشکر ایتسه آزددر.

فقط، ای بیلمه لیز، که معناسر سوز، روحسز قالب کیدر. تشکر
نهوت، فقط قورو بر اسکت دکل. بو تشکرک معناسی عموم ملتک
بوتون قوتیله حکومته ظهیر اولسی، بو حریت حقیقه دینی و ملیه بی
بو روح استقلالی محافظه ایدمک قدرت و قوت اکتسابنه، تقسیم اعمال
قانوننه نوبتاً چالیشماید. ۱۰ تموز انقلابی یابانینه بو حکومت
دکلیدی؟ غایت ابتدائی و یک ناقص یر اتحاد سایه ننده دکلیدی که کابوس
استبدادی اوزریمزدن آندق! یزم اون نموزده کی موفقیتمز حریت اجتماعیه مز،
حریت کلامی، سربستی سبی و عملی استرداددن عبارتدی.
حریت حقیقه ملیه مز، استقلال سیاسیمز عهد اسارتله باغلی ایدی.
اون تموز فاتحه انقلابک خاتمه سی بو اولاجق ایدی.

بز اتحادیمزه یر قات داها کرمی و فعالیت، یر قات داها وسعت
ویروبده ال یر لکیله چالیشاجق یرده یر قسممز یا اهانه و یا خود
حماقه وحدتدن آیریلان دوستی یراقوب - بوشو و قوزمیدی کی! -
اک بی امان دشمنلریمزک قوجاغه آتیلان یرکروه مفسدینک آدینه
طاقلیدی. اورته یه مدھش یر نفاق و شفاق آتشی دوشدی. زاواللی
روم ایلی ایشته بو جانی عد و اتحادک قربانی اولدی.

بو اوقادار خائن، اوقادار مدھش و قاتل اسلامیت یر ماجرادر، که
اخلافز بونی تاریخده اوقونجه بوشو و قوزمیدی ایله ال اله ویره رک
بی پروا وحدت اسلامه هجوم ایدنلره یومروقلرینی صیقاراق لغت
خوان اولاجقدر.

یز روم ایلی قورتارالم دیرکن آزالدی - ذاتاً تمیل طاشلرینه
قونولمش اولان امتیازدن معمول بومبارله آتش ویروب - برج استقلال
لیمزی کندی الیزله برهوا ایدمک و دارالخلافه الاسلام ایله برابر
اناطولی بی اعدامزه هدیه (!) ایدمکک. امان یاربی! دشمن
اردولری چالاجیه کتیردیکمز او نه مدھش کونلر ایدی؟

آناطولی بی قورتارماق ایچین یا لکمز ادرنه بی دکل، حتی قوجه
یر عالم اسلامک بایتخت خلافتی بیله فدا...! ایشته یزالس

علما و مجتهدانه مجانا یرلی فاشلردن البسهلر ویردم . سامره قضاسنده (ناحیه مقدسه) نامنده بر مکاتب تأسیسنه موفق اولدم . برسنه یقین دوام ایدن بو مکتب بالاخره منحل اولمش ایسه ده ، یکیدن رخصت رسمیه ایله افتتاحنه موفق اولیورم . شمدی ده هندستان ، مصر ، سوریه ، استانبول طریقیه قافقاسیه سفری فکرندیم . مؤسسائی محترم هیئتلر تحت اداره سنه تودیع ، مقدار کافی مبالغی ده معتمد ذواته تودیع ایدرک کیدیورم .

بو مؤسسائتمک کرک تأسیس ، کرک ابقا و اداره سنده طاقت فرسا زحمتلره اوغرام . هر درلو طعن رقیب و شماتت اعدایه دوچار اولدم . اموال و نقود کثیره بی بو کونه قدر جیمیدن صرف ایتدم . تدریسندن ، بلکه پدر و مادرمک زیارتندن قاج سنه لردنبرو محروم اولدم . جانندن ، مالندن واز کچدم . فقط بوتون بو مشاقه تحمل ایدرک مقصد شریفندن اصلا اعراض ایتدم . ایتم مسلمین و فقرا و حضرت فخر المرسالین افندیتمک ذریانه ایتدیکم خدمتی بعض علما و فقها آرقداشلم کبی شونامه مخالف کورمه مکله برابر کنیدی بخیار و قرین شرف ده عد ایتدم . زیرا خدمت ایتدیکم ذوات هر نه قدر بو کون چوجوق ایسه ده یارین مملکت اسلامیته فدا کار اولاد حقیقی اولاجقلرندن امید وارم . بناء علیه بونلرک بو حال حاضر لرینه باقیه رق انظار امیدم استقبالی لرینه معطوف درکه هر بری بویوک عالهلر تشکیل ایدرک عالم اسلامیتک حیات نثار خادم لری اوله جقلردر .

زمان صبا و نده تربیه فکریه نائل اولیانلرک اجتماعاتک درجه تکاملنده حیات علم و ادبی تأمین ایدمک بر موقعه مالک اولمه لری امر طبعیدر . بنجه بیوکلره خدمت ایتدیکم ایسه چوجوقلری تربیه ده افضلدردر . چونکه چوجوغلک نفس ناطقه سی ، آینه ضمیری صاف اولدینندن هر شی اوراده تمامیه مرئی و منعکس اولدینی کبی ، علم اخلاقی ده - که نفس ناطقه نک علم حفظ الصحه سی دیمکدر - چابوقق تعلم ایدرک قبول ایدر . بعض علمای اخلاق دیدیکی کبی ، چوجوق کتاب اخلاقک بر بیاض صحیفه سیدر . او صحیفه هر نه ایسته نیلیر ایسه یازیله بیلیر . اگر فنا شی یازیلیرسه چیزوب یرینه ای شی یازماق بیاض صحیفه نک لکهدار اولسنه سبیت ویریور .

علماء اعلامز اگر مکاتب تأسیسنده بذل مساعی و اولاد مسلمینک تربیه و تهذیب اخلاقه همت بیورسه ایدیلر ، بو کون مسلمانلرک سوء اخلاق و احوالندن بو قدر فریاد ایتزدیلر ، منبرلره چیقوبده بهوده باغرمزدیلر . کوزیمز اوکنده احکام شرعیته تکلیفنده قصور ایتمه مکله برابر یوزده بش ، بلکه بر اخلاقی بوزوق کشینک اصلاحنده موفق اوله میورلر . چونکه باغبانک آغاجی هنوز فدان ایکن اوتیه برویه تمایلدن محافظه ایتسی اقتضا ایدر . اگر باقیلیمایه رق اکری بوکرو بو یورسه صکره دن دوزلتمک مشکل اولقله برابر بشقه آغاجلره ده ضرر ویرر . قرآن کریمده مفسد انسانلر حقنده قتل ، صلب ، نفی

حکملری نازل اولدینی کبی آغاجی دینندن کسمکدن بشقه چاره ده یوقدر . فقها منر اگر مکاتب موجوده بی بکنمیز ، شرع شریفه موافق کورمز لرسه ، اولاد مسلمینک تعلیم و تربیه سی فریضه ذمتلری اولدییچون ، بکنندکری طرزده مکتبیلر آچق ، یاخود آچاغه خلق تشویق ایتمک مجبوریتنده درلر . هر حالده اولاد منک حیاته سبب اولدینمز کبی ، (اکر موا اولادکم واحسنو ادبهم ینفر الله لکم) حدیث شریفی موجبجه اونلرک سعادت مادیه و معنویه لرینت تأمین ایچون تعلیم و تربیه لرینه ده مجبورز . اولاد منر اولمز ایسه دینداشلر منک ارلادلرینک حقنده نیات حسنه بسایوب اونلرک تعالی و ترقیسنه ، ارشاد و تربیه سنه چالشوب مفعتلرینی تأمین ایتک اوزرمنزه فرضدر .

زیرا کره ارض اوزرنده اولان مسلمانلر ، (لا اله الا الله محمد رسول الله) دینلر ، یوزلرینی مکله معظمیه چویرنلر ، قرآن عظیم الشانی ، حضرت فخر کائنات افندیتمک معجزه سی بیلنلر هر هانکی جنس و قومه منسوب اولور ایسه اولسون قرآن مجیدلرنده (انما المؤمنون اخوة) آیت کریمه سی موجبجه بر برینک برادر معنویسی اولدقلری کبی ، یکدیگرلری حقنده معاونت و احسان وظائفی ایفا ایتمکده شعار اسلامیه و فرائض دینیه لرنددر . دین اسلام حسب و نسب ایله افتخار ایتمک شیمه نامرضیه سی آرهدن قالدیردینی کبی قومیت و جنسیتک محکم دیوارلرینی ، استحکامات متینه سی ده بیقمش ، طاغیتمش ، بونک یرینه بر اساس قویم اخوت وضع ایدرک دنیا یوزنده اولان مسلمانلری لواء اتحاد و شریعت محمدیه آتنده جمع ایتمشدر ، تغیر آخرله اطلاقیک دکزینک ساحل غریبسندن چین دیوارینه قدر ، یعنی بیک سکنر یوز ساعتک ، جبل متین اتحاد اوزاتمش و بالعوم مسلمین و مؤمنلره (واعتصموا بحبل الله جميعا ولا تفرقوا) آیت کریمه سی حکمنجه بو اییه ایکی ایله یایشماغی امر بیورمشدر . بو صورتده مثلاً مراکشلی بر عرب حضرت فخر کائنات افندیتمک العیاذ بالله روح شریفی معذب ایدوب ، مبارک کوکانی قیروب مثلاً (جاوا) (بورشو) (صومطرا) (سلیمان) آطله لری مسلمانلری ایله مخالفت ایدمیز ، شقاق و نفاقه میدان ویره میز . زیرا جنسیتدن بیوک جامعه لری کله توحیددر . اگر خدانکرده آرهلرنده بر آرائق مخالفت ظهور ایدر ایسه ده ، خصمک هجومنده یک وجود اوله رق دشمنک استفاده سنه فرصت ویرمه ملیدرلر . بلکه آرقه آرقه یه ووروب (المؤمن للمؤمن کالبیان یشد بعضه بعضا) مضمون منیفنجه بری برینک محافظه سنه چالیشه جقلر ، فروغنده اولان اختلافاته نظر اهمیتله باقیه جقلر . آغاجک نذر دالی بوداغی چوق اولور ایسه اولسون ، مادام که اصلی بردر ، ضرری یوقدر ، آغاج بردر . بروقت سیاست نقطه نظرندن علمامزک ایله آرهمزده کی اختلاف جانسوز و نفاق طاقت فرسا دیانت لباسنده جلوه کر اولدینی کبی ، ینه اونلرک همت عالیه و مساعی جمیله لرله آرادن قالقه جفته امید وارز . جهالتک بنیه اسلامیته آشیلادینی اجتماعی خسته لقلرک ضرر لرینی چوق

کیملرک پنجه تحکملری آلتنه کچدی؟ اوبابارک اولادینه نه اولدی؟ روسیه وانکلتره هر نه قدر مؤتلف ایسه لرده، ضبط ممالک خصوصاً یمنلرنده سیاست رتایت شدید حکمراندر.

نته کیم قافقاسه روسلرک الینه کچر کچمز انکلزلرده هندستانه حاکم اولدیلر. روسیه خیمه و بخارای حمایه سی آلتنه آلتجه انکلزلرده بلوچستان و افغانستانده سیاست تمیدن کارانه لرینی تطبیقه باشلادیلر. سیاست خارجه لرینه مؤتلفاً قوت ویرن بویکی حکومت ۱۹۰۷ معاهده سیله ایرانک تقسیم ایله افغان و تبت مسئله لرینی میدان چیقارتدیلر.

مسلمانلره سوزک آچیفی سویایلم، برده یی آرادن قالدیرالم؛ اوروبالیر سائر دول اسلامییه یی منقرض ایتدیکی کبی؛ سوکیلی، شوکتلی، عزیز سلطنت عثمانیه مزیده خدانکرده آناطولیده برامارت شکندمه برافق فکرند ایدیلر ایشته باقکمز از زمان طرفنده نه قدر مملکتلر مزیده استیلا ایتدیلر:

الجزیره یی، تونس، مصری تحت تحکملرینه، قبرینی یدامانته (!) آلدیلر لبنانه، سیماسه استقلال اداره ویردیلر. المزدن چیقان قطعیه لرده متعدد دولتلر تشکل ایتدی: رومانی، بلغاریا، صربیا، قره طاغ، یونان حکومتلری اراضیه یی هپ دیار اسلام ایدی. اوراده کی خرسنیانر هپ خلیفه نیک تبعه سی ایدی. اولا اونلری بزدن آیردیلر. هر برینه استقلال اداره ویردیلر. صوکراده هپسینی برلشدیرمک اوزرمزه صالیدیردیلر. قوجه روم ایلی یی خاک ایله یکسان ایتدیلر. بیکارجه اسلام مملکتلری صلیبک تحت اداره سینه کچدی. بونلر الویرمیورمش کبی آق دکزده کی آطه لر مزیده غصب ایتدیلر. ساقزی، مدلی یی یونانه ویرمک ایستدیلر، آناطولی یی ده ایکنجی ما کدونیا یایمق فکرینه دوشدیلر.

مسلمانلر ایچون بونلر نه آجی لوحه لر در! نه فجیع، نه قانلی صیغه لر در! عصر لرجه سالیینه توحیدلر یوکسلن مملکتلر، زمینلرینه انوار رحمت دوکولن قطعیه لر بوکون چاکارله انکلسون، ظلمتلر ایچنده قالسون... اسلام ایچون بونه بدبخت برماجرا در! مسلمانلر ایچون بونه حجاب آلود برصفحه در!

ای مسلمانلر! آرتق بودرین اویقو یتیشیر. باشکزی قالدیریکمز، باقکمز اهل صلیب تحکمی آلتنه دوشن شو اسلام دولترینه! بونلرک هر بری وقتیه برر سلطانلق ایدی: تونس، جزائر، فاس، وادی، سقوطو، بورشو، باغیرمی، جاوا، مصر، زنگبار، لحج، مسقط،

کوردک. آرتیق آمال واحترافات نفاق جویانه نه نهایت ویرمک اقتضا ایدر. آرتیق یتیر. شان وشوکتمز، اعتبار و ثروتمز کیتدی. دشمنلرک آیقلری آلتنده پایمال اولدق. قوتلی دول معظمه یی بر طرفه براقلم. اوروبانک الک اوفاق دولتی اولان فلمنک التده آلتی یوز کونلک مسافه دن اوقیانوسیه نیک اوتوز میلیون متجاوز مسلمانلری اسیر اولدیلر. اسلاملرک آسیادن آفریقایه قدر اوزانان اللری قیردیلر. اوروبانک بر طارکوشه سنده صیقیشدیردیلر. اوروبالیرک تفککلرندن، طوپلرندن چیقان دود سیاه شمس منیر اسلامی ظلمتلر ایچنده براقیدنی کبی، آتشنک کله لر ایله ده اسیاده کی افق سیاستمز شفق مثال قانه بویادیلر. بیچاره اسلامک جسد مبارکی بالقانلر آتشنه یاقدیلر. اندلس مساجدی، جوامعی کبی روم ایلی ده کی جامع لر مزدن هلالری ایندیروب صلیب طواقدیلر. مناره لر مزه چان آصدیلر. درت یوز میلیون مسلمانک کوزی اوکندمه دونکی بالقان کوله لر مز قوجه بر اسلام دولتنک طوپراغی تقسیم ایدرک وحشت و باربارلق دورلرینی اعاده ایتدیلر. اسلام قرده شرمزک عرض و ناموسلرینی هتک ایدرک عالم انسانیتک رخسارک ککونی لکدار قلدیلر.

غیرتلی مسلمانلر بو الواح فجیه یه باقسونلرده بالقانلرده معصوم چوجوقلر مرک، عقتلی آنالرمزک حقلرندمه دشمنلریمزک یایدقلری معامله لر دن عبرت آلسونلر. آباء واجدادلرندن قالان طوپراغی ناصل اجانبه تسلیم ایتدکلرینی کورسونلر! بویوک بویوک قطعیه لر، معصور و آبادان دیارلر. اسلام بایراغی آلتندن چیقوب دشمن بایراغی آلتنه کیریورلر. فرانسه نیک وسطنه قدر هجوم ایدن بر مات، طقوز یوز سنه لره قدر اوروباده حکمران اولان عرب طائفه نجیه سی نجین بوکون کندیلرینی اوج عزتدن حسیض ذلت صالیورلر؟ تورکلر شانلی بابالری نه ایچون خاطره کتورمیورلر؟ تاریخلرینی مطلقه ایتمیورلر؟ اولو بابالری بامیر یایلاسنندن اللرنده یالین قلیج سیکل کبی ایندیلر، ییلدیرم کبی اورال طاغلرندن کچرک اوروبایی ترمه تدیلر. آتلینک طر قاقلریله اوروبانک طوپراغی کوکه قالدیردیلر. «زسم ستوران در ان بهن دشت - زمین شش شد و آسمان کشت هشت» مضمونتی انظارا غیارده اثبات ایتدیلر. مجارستان ایچکنه دیلر. ویانه یی محاصره ایلدیلر، نهستانه کیردیلر. پولونیا دولتندن جزیه خراج آلدیلر. بو قدرله ده اکثفا اتمیه رک مراکشه قدر یورودیلر. دنیانک الک بیوک دولتلرندن اولدیلر. امپراطورلر، قرالر غایت ذلیلانه آستانه لرینه یوز سوردیلر. شمدی ایسه بابالرینک حکم سوردیکی اومملکتلر نروده؟ اوکوزل سویلی الجزائر، تونس، طرابلس غرب، مصر، سودان، مجارستان، خروانتستان، بوسنه، هر سک، بسارابیا، باطوم، قارص، قره طاغ، بلغار، یونان، ما کدونیا، قبریس، جزائر بحر سفید، عدن و سائر ممالک اسلامییه مز

کویت، ایران، بخارا، خیوه، افغان، بلوچستان، هندستان، مالاقا، صومطرا و سائر اوقیانوسیا آطهری، طرابلس غرب، بنغازی، رومایلی، جزائر بحر سفید، دها نیجه نیجه قطعه لر، دیار لر، سلطانلر، دکر لر... الله الله.. انا لله وانا اليه راجعون.. لاحول ولا قوة الا بالله العلی العظیم. الله اکبر کبیرا.. سبحان الله بکرة واصیلا. لاله الا الله...

یازیق، اسلام، باشند آياغه جریحه دار. اسلامک ناصر و معنی یوقی؟ بوقدر اوروپا دولتری وارکه چوغی دشمن. بوقدر دشمنه قارش بر دولت نه یاپسون؟ دولت عثمانیه کی محارب، مجاهد دولت هانکی تاریخده کورولمشدر؟ آلتی یوز سنی متجاوزدر، فی سبیل الله جهاد ایدیور. دائماً حال حربده. تحت اداره سنده بولونان مملکتلری حرب ایله تسخیر ایتدیکی کی، شرقک محافظه سی ایچون یینه حرب ایتهدن مملکتلری تسلیم ایتیور.

ینه تکرار ایدیورم که مسلمانلر اویقوده در غفلتده در.

عجباتمدن و ترقی عصر ندمده انقراض اولیورمی؟ بو قرن نورانی ده استقلالی اولیانلر کندیله یینه استقلال آلیورلر. بزه ایچون سلطنتلرک محافظه سی، فکر نده دکاز؟ نه ایچون دولتمرزه یاردم ایتیورز؟ اعانلر و یرمیورز؟ نه ایچون طیارلر یایمیورز؟ نه ایچون سواحلرک محافظه سی ایچون زرهلر آلمیورز؟ بزدن باشقه لری درین دریالرک صولری یاریور، هواده قوشلر کی طیران ایدیورلر. بزا یسه هنوز حیوانلر بینه که افتخار ایدیورز. بو ولایتدن اوولایته بر آیدم پوسته لر مرز کیده بیلورده بوندن ممنون اولیورز. قرآن شریفک برکوشده ترجمه سز، تفسیر سز دوشوب قالمش اولان آیات منزله سندن (واعدوا لهم ما استطعتم من قوة و من رباط الخیل ترهبون به عدو الله وعدوكم) آیت کریمه سی قاچ یوز سنلردن برودر که علمامن طرفندن اهالی به ترجمه اولمیور؟

دینداشرم نه وقته قدر اللری بربری اوزرینه قویوب هرایشلری قضا و قدره حواله ایده جکر؟ قضا و قدری تقدیر بیوران الله عز وجل کندی مسبب الاسباب بیورمش. هرشی سببله یاییلیور. اسباب و وسائلدن ال چکرک هرایشلر مرکز آسمانده یاییلوب جبرائیل امین الیه بزه کلمسه اعتقاد ایتک احقانه بر فکدر. پیغمبر اکرم فخر کائنات افندمر و وسائط و وسائله تشبیت ایدر ایدی. خلقی کندی حاله بر اقامدی. کیدوب دین اسلامه دعوت بیورر ایدی. عدم قبول صورتنده بالین قانجه قبول ایتدیرر ایدی. بوضورتله ممالک اسلامیه یی توسیعه چاشیور ایدی. همت وسی سابه سنده چوق و قتده غلبه ایدردی. فقط بعضاً عسکر نده آثار ضعف ده ظاهر اولیور ایدی. مصلحت وقتی ملاحظه ایدر ایدی.

الله تعالی حقمزده نه یاپسون؟ جبرائیلی کوندرسون، فرانسه یی مراکش، الجزائر، تونسدن، انکلتراه مصر، زنگبار، عدن، هندستان، بلوچستاندن، فلمنکی جاوا، بورشو، صومطره دن، بالقان دول صغیره سنی روم ایلی مزدن، دول سائر یی باشقه ممالک اسلامیه مزدن چیقار تسون می؟ عجبیا الله تعالی یالکمز رب المسلمین می؟ خیر. یالکمز رب المسلمین دکل، رب العالمین در. الله تعالی نک لطف و مرحمتدن یهود و نصاری مخلوقلری ده مرز و قدر. «ای کریمی که از خزانه غیب کبر و ترسا وظیفه خورداری» بو عقلمز ایله «این قافله تابش لرک است». الله تعالی بزدن عقل و اراده بر آتمش، طریق حق بزه اراده ایتش. قرآن عظیم الشاننده «انا هدیناه السبیل اما شا کرا و اما کفورا»، «وان یس للانسان الاماسی»، «واعدوا لهم من استطعتم من قوة و من رباط الخیل ترهبون به عدو الله وعدوكم» بیورمش. سعی و غیرته، مجاهده یه، محافظه مملکت اوغورنده مال و جانندن کچمکه قدر امر بیورمشدر. پیغمبر اکرمز (من جد و جد) (واعقل و توکل) یعنی (باتوکل زانوی اشتر بینه) بیورمشدر. دوه صاحب سز قالسه خرسز چالار. الله تعالی به توکلدن اول دوه یی باغله مق کرک. مملکت صاحب سز، ساحلر، دونماسز، حدودلر عسکر سز، قالیر ایسه دشمن لر سوکیلی یوردیمزه ال اوزادیرلر. ایش بزدن، فنانق بزدن. مثلدن: «اغاچی ایچندن قوردیر»، «هرچه هست از قامت ناسازی اندام ماست». ورنه تشریف تویر بالای کس کوتاه نیست». (ان الله لا یغیر ما بقوم حتی یغیروا ما بانفسهم) «اسلام بذات خود ندارد عیبی - هر عیب که هست از مسلمانی ماست». اوروبایلر ده قصور یوق. اونلر منفعت آرییورلر، طوپراق ایستیورلر. قانون طبیعتده دائماً ضعیف عضویاتی قوی عضولر محو ایدر. انسان مجوه راتی حفظ ایتلیر. مجوه راتی آچیقده، مدافع سز بر حالده بیراقوب خرسز چالقدن صکره آرقه سندن: «خلاف ایش یاپدک، بو حرکتک عصر نورانی به مناسب دکادی». دیمک معناسز بر سوزدر.

بو اسارتدن قور تولق ایچون یکانه چاره من اتفاقدر. «حسنات باتفاق ملاحه جهان گرفت - اری باتفاق جهان میتوان گرفت» باشمزه کلن فلاکتلر هپ نفاقندن در. نفاقزده جهالتک ثمرات سندن. آم آد، یکدیگر مرزی تکفیر و تلغین ایتیم. هیمز حضرت حقک وحدانیتنه، فخر کائنات افندمرک نبوتنه قائلز. مکة معظمه یه توجه ایدوب نماز قیلیورز. قیامت و قرآن عظیم الشانی تصدیق ایدیورز. مانامکه بویله در، مادامکه هیمز مسلمانز، محمد امتدنز، در تیوز ملیون مسلمانلر، کرک سنی سی، کرک شیعی سی بر برینه صابیللی، بر برینه برادر کی محبت ایتلی. بیوک بر عزم ملی به استناد ایدرک او اوفاجق بلغار چته لری نه یاپمادی، نه خارقه لر کوسترمه دی؟

زمان سعادتدن صکره چیقان اختلافاتی ارادن قالدیرم . زمان سعادت مسلمانلری کبی بسیطوساده ، «سمحه وسهله» اولان دین اسلامه رجوع ایدم . حقایقه طولو اولان ، علوم و فنون حاضرده قارشى عادى بر اثر تعصب بيله کندیسنده موجود اولیان ، سالکینی بر صافیت و صمیمیتله هر زمان قوجاقلایان دینیزی ، دین مینمیزی او خرافاتدن قورتارم .

اوف ، نقدر آجینه جق بر حال ! شو عصر تر قیده بشریت فضالره ، سمالره دوغرو یوکسه لیرکن اسلامیتک سینئه تمدن و عرفانی نشترله یین ، ارضک کرویتنه عقل ایردیره میوبده اوکوز ، اوکوزکده بالیق اوزرنده بولندیغنه بتون قوتيله اینانان نه خام قفالر بولندیغنی انسان کورر ایسه نصل متأثر اولماز ؟ اسف ایدرم که اسلاملرک سبب فلاکتی دوشو . نسلرده ده فکر تعقیب صاحبی اولانلرک محدوددر . بغداد ولایتک والی محترمی بالقان حربنده دشمن قارشیسندن ازل و جان وطن اسلام اوغورنده مجاهده ایدن اردو قوماندانی جاوید پاشا حضرتلری کبی بر قاچ وجود فدا کار عراقده بولسه ایدق نفاقک سیاه دومانلر ایله اسلامیتک افق سیاستی شویله ظلمتدار اولمزدی . بن ایسترم که اختلافات دینیه و مذهبییه اونودولسون . ماضینک حاله واستقباله تأثیر ایدن وایده جک اولان منازعه لری ، کفتکولری دریای نسیانه آتیلسونده عصر لر دن بری اسلامیتی خربالایان ، ترقی و تجدددن هر آن و زمان کری بیراقان بو افسانه لر دن ملیونلرجه مسلمین قورتلسون .

مادامکه اسلاملر اصلده ، اساسده متحددر ، جمله سی بر نقطه یه مربوطدر ؛ او حالده تفرعاته تعلق ایدن مسائله یکدیگر مزه دشمن کوزیله باقق موافق منطق و حکمت اولورمی ؟ آرتق ماضیه باقق ، اجداد مزک بزه میراث بیر اقدینی غوغالری ، دعوالری قاریشدیر مق بزه مناسبی ؟ هاییدی اوغراشه لم ، نه اوله جق ؟ نه قازانه جغز ؟ هیچ ! فقط بولردن قازانه جق وار ایسه اوده هر زمان بزه احتراصکار و کین دار نظر لر یله باقان ، طولر یله ، متأثر مدنییه سیله کله رک بزی بر قاره قارتال کبی قورقونج قانادلری آلتیه الان و آلتاق ایستین اوروبادر . اگر بر مضوی ماضی دیمز سهک ، مدهش یک مدهش بر اوروپا تهلکه سنک میدانه چیمه سنندن شبهه ایتیمه لم . نفاقزدن خصم لر استفاده ایتدی . بز ایسه بیوک ضرر لر ده دوچار اولدق .

آرتق کافیدر . غفلتی براقه لم . نزاعی آرده دن قالدیرم . بری برمری رد ایچون احادیث موضوعیه تشبث ، اکابر دینزه دیل اوزاتمه یه جسارت ایتیمه لم . مادام که اصول دینیه و عقاید شرعییه برز ؛ مسائل فرعییه اولان خلاقاته اهمیت ویریمه لم . ماضیده بابالرمز نه یایمشلر سه یایمشلر ، ابی کوتو کندی عهد لر نده قالسون . شمدی زمانک اعاده سی محالدر . مادام که رؤساء دینیز بری بریله مسالمتکارانه ، صالح پرورانه حرکت ایتش لر ، بزده شویله اولام . بو اختلافاتمز اسلامک بلنی بوکیور . بلکه قیریور ، دول اسلامیه نک استقلانی تهیدید ایدیور .

حکومات اسلامیه اصول اسلامیه ده بر اولدقلری حالده اختلافات فرعییه دن واز کچسونلر . معاصر لر مزدن بر بیوک معارف پرورک دیدیکی کبی اسلام ایکی شهادت کله سنندن عبارتدر . بو ایکی کله یه ایمان ایدن مسلم . انکار ایدن غیر مسلمدر . باقی سوزلر و اختلافات اخبار آحاده و وقائع تاریخییه مستنددر . اخبار آحادو وقایع تاریخییه اصول اسلام قارشیسندن نظر اعتبار ایله باقلماز .

فرستی قاجیرمایم . نه یایه جقه سق اجر اسنه تشبث ایدم . یالکیز بومسائی قاو رایه جق قفالره احتیاج واردر . الحمدلله بویله مجاهد لر مزده اکسیک دکدر . «والسلام علی من التبع الهدی ..»

قفقاسیانک باکو توابعندن بلبله لی

حاجی میرزا محمد رحیم

بغداد :

بر صفحه تاریخ :

مصرک سرگذشتی [*]

باشم نفع

مصر مسأله سی نه در ؟ بر صفحه سیاسییه و بز فاجعه اسلامیه در . بدیهیدر که هر مسلمان صوک عصر مدنیده افول ایدن و خونخوار اجنبیلرک پنجه بی آمانه دوشن ممالک اسلامیه نک سقوطی فاجعه لری قارشیسندن متأثر و دلخوندر . عینی زمانده بدیهیدر که سقوط و افول ایدن ممالک اسلامیه نک حیات اسلامه اک علاقه داری ، موجودیت اسلامیه و خلافت نقطه نظرندن اک مهمی مصردر . اومصر که امالدنیا ومفتاح الحرمیندر . اوت اومصر که بتون وادی نیلک حاکمه سو ، بتون آفریقانک تاج درخشانیدر . او مصر که بتون اهالیسنک قلبی انجق بر أمل ایله برضرباندر که اوده : خلیفه نک سلامتی ، خلافتک مصونیت و بقای در .

مسلمانلر یازم جغ حقیقه لر دن خرسیتانلق نامنه اوروپانک نه اویونلر اوینادیغنی ، ممالک اسلامیه یی قبضه تسخیر و دست تعدیسنه نصل کچیر . دیکنی کورده جکالر وقان آغلایه جقلردر . دیمک که بزمده عروة الوثقای اتحاد ایله میدانه چیمه قلعمز و حق حیاتیازی استحصاله چالیشم قلعمز لازمدر . بونی هر مسلمان ادراک ایتلی و اکا کوره خط حرکتی چیز ملیدر .

ایشته بر صفحه تاریخ ، شانلی مصرک کیفیت افولنی تشریح ایدن بر صفحه تاریخی یازیورم . امید ایدرم که بر درس انتباه تشکیل ایده بیلسون . ومن الله التوفیق . ع . س

[۱] مأخذ متعدد وموثوقدر . با خصوص مصرک قهرمان وطنپروری مصطفی کامل پاشانک آناری عمده اتخاذ ایدلشد .